

# نفق الثلاثيني بالإسماعيلية بين نجاح الفكرة وسوء التنفيذ



الخميس 13 مارس 2014 12:03 م

## الإسماعيلية - خليل إبراهيم:

كثر الحديث في الشارع الإسماعيلي في الآونة الأخيرة حول مشروع نفق الثلاثيني الذي تنفذه شركة ألمانية ليسلم في ٣٠ يونيو القادم .

وأشار مصدر بالتحالف الوطني لدعم الشرعية بالإسماعيلية أن فكرة المشروع صائبة ومطلوبة وكان حصل على الموافقة بتفيذها المهندس مبرى خلف الله أثناء عضويته بالكتلة البرلمانية للإخوان المسلمين في دورة ٢٠٠٥ وأضاف المصدر : الانقلاب العسكري يسرق إنجازات الإخوان ويفشل في تنفيذها .

وفي نفس السياق قال فوزي على -مواطن-:لقوات المسلحة عاوزانا نسلمه في 30/6 والذي ينفذ المشروع شركة ألمانية واللى معمول المشروع ده الإمارات مقابل الأرض اللي أشتريتها من مصر يعني أرضنا بتتباع للإمارات والجيش هو اللي بيع -يعنى عواد باع أرضة -والجيش عاوز يسلم في 30/6 لصالح السيسي والانتخابات والشركة المنفذة ألمانية يعنى مش مصرية أقولكم حاجة مبروك عليكم ناموا وشخروا وكلوا على قفاكم البلد بتتباع ولما تصحوا أرقصوا وغنوا تسلم الأيدى .

وأضافت مروة صلاح: "النفق ده كارثة جت منه أضرار لحد دلوقتي أكثر من الفوائد اللي هيقدّمها، معطل أكثر منطقة حيوية في البلد، معطل مصالحننا عشان مفيش عربيات بتدخل يعني لو هاروح مشوار في عشر دقائق بروحه في نص ساعة، واه بقي لو روحت السوق لازم أمشي كل ده لحد السلم الأزرق بكل الشيل دي عشان أركب تاكسي".

وأشار سعد محمد -صاحب أحد المحلات المتواجدة في شارع الثلاثيني -الله يخرب بيوتهم خربوا بيوتنا أنا كنت بقفل الساعة 2 بليل دلوقتي بقفل م الساعة 7 ده اليوم اللي فيه زباين واحنا بقالنا 8 شهور ع الحال ده ومش عارفين أخرتها امتي ربنا ينتقم منهم]

وأشاد يوسف إبراهيم -مواطن -بالمشروع قائلاً : النفق في حد ذاته هيخدم البلد بس دلوقتي زاحم البلد بشكل بشع مش كفاية الجيش مقفلين كل البلد حولين المنشآت وبعدين قبل ما يقفلو شارع حيوي زي ده المفروض كانوا وفروا طريق بديل للسيارات .

وقالت أم عمر- مواطنة -قالوا هيخلص بعد 6 شهور وإحنا اهه بقالنا 8 شهور ولسة ولا خلص حاجة فيه معطل حركة السير جدا جدا وينظر نلف لفة كبيرة جدا عشان نوصل للموقف]

وأضاف محمد سعيد: الغريب ان في انباء دلوقتي بتقول انهم مش هيردموا الجزء العلوي عشان مفيش امكانيات يعني هنفضل في وقف الحال ده كتير] وقالت مريم أحمد:أنا ساكنة في المحطة الجديدة وعشان أروح البيت بتكون بالنسبة لي معجزة، بتطلع روحي عقبال ما ألاقى تاكسي يوافق انه يوصلني وقف حالنا".